

«Шұғыла» бөбекжай-бақшасы МКҚК

**«Құтты болсын, Жаңа жыл!»
Ертеңгілігі**



Өткізген тәрбиешілер: Сопакова А.К.

Сарбасова А.А.

2024-2025 оқу жылы

Бүгінгі: 20.12.2021

«Құтты болсын, Жаңа жыл!»

Мақсаты: Жаңа жыл мерекесі арқылы балаларға қуаныш сыйлау. Өткен жыл мен келер жыл туралы білімдерін тиянақтау. Балалардың есте сақтау қабілеттерін дамыту, көпшілік ортада ұстамды болуға тәрбиелеу.

Балалар музыка әуенімен ішке кіреді.

Жүргізуші: Жаңа жылдың таңы неткен арайлы,

Ақ мамыққа бөлеп алды маңайды.

Жаңа жылмен құттықтаймын бәрінді,

Бақыт, шаттық, ала келсін шырайлы.

Сәлеметсіздер ме, құрметті қонақтар, бүлдіршіндер! Армысыздар! Келе жатқан жаңа жыл мерекелеріңіз құтты болсын. Бүгінгі «Қарлығаш» кіші тобының «Құтты болсын, Жаңа жыл» атты ертеңгілігімізді бастауға рұқсат етіңіздер.

Жүргізуші: Балалар бізге қонаққа біреу келе жатқан сияқты кәне тындап көрейік.

(Музыкамен ортаға Аққала кіреді)

Жүргізуші: Сәлеметсің бе Аққала біздің мерекеге қош келдің!

Аққала: Сәлеметсіздер ме қонақтар, бүлдіршіндер. Қандай әдемісіңдер. Мерекені тойлатып жатсыңдар ма?

Балалар: Иә!

Аққала: Керемет менде мерекені сендер мен тойласам бола ма?

Жүргізуші: Әрине болады біздің балалар сізге арнап ән айтып берсін.

Ән: «Шыршаға бардық»

Аққала: Қандай әдемі ән рахмет балалар.

Жүргізуші: Біз сізбен ойын ойнағымыз келеді ойын ойнасақ қалай болады?

Аққала: Әрине ойнасақ ойнайық мен ойындарды ұнатамын. Балалар сендер де ойын ойнағанды ұнатасыңдар ма?

Балалар: Иә!

Аққала: Ендеше сендер мен қар атысып ойнайық.

Ойын: «Қар атысу»

Аққала: Жарайсыңдар балалар керемет ойнадыңдар.

Жүргізуші: Балалар бізге қонаққа бір адам жетіспей тұр ол кім екен?

Балалар: Аяз ата! Ақшақар!

Аққала: Иә дұрыс айтасыңдар бізге Аяз ата мен Ақшақар жетіспей тұр, ендеше мен барып шақырып келейін.

Балалар: Аяз ата, Ақшақар ортамызға кел-кел! Деп 3 рет айтады.

(Ортаға әуенмен Аяз ата мен Ақшақар кіреді.)

Аяз- ата: Аяулы ата - аналар, ардақты ұл қыздарға

Бүлдіршін балаларға бір сәлем!

Қандай жарқын жүздерің,

Қандай әсем жырларың

Асулармен алысқан,

Асау желмен жарысқан

Аталарың сендерге

Шаршап келді алыстан. (Балалармен амандасады.)

Ақшақар: Амансыздар ма, балалар, ұстаздар, ата - аналар. Өздерінді сағынып келдік, жаңа жылдарыңыз құтты болсын, Өтіп кеткен ұлу жылына аман есен саулық тілеп, келе жатқан Жаңа жылымызға табыс, береке, бірлік әкелсін деп тілеймін.

Жүргізуші: Сәлеметсіздер ме Аяз ата, Ақшақар. Мерекемізге қош келдіңдер! Біздің қадірлі қонағымыз болыңыздар біздің балалар сіздерге дайындаған өнерлерін тамашалаңыздар.

Би: «Сылдырмақ»

Аяз ата: Ой рахмет балалар! билерің өте керемет екен.

Жүргізуші: Жарайсындар балалар, енді балалардың тақпақтарына кезек берейік.

Сезім

Қыс көрікті-

Жауған аппақ қарымен,

Қыс көрікті-

Аяз қысқан кәрімен.

Д. Айару

Аяз ата келіп тұр

Бізге сәлем беріп тұр.

Тақпақ айтқан балаға

Сыйлықтарын беріп тұр.

Айлин

Қыс көрікті-

Аққала мен сырғанақ,

Қыс көрікті-

Күміс қырау сәнімен.

Ахмет

Аяз ата ақ сақалды

Ақ таяқты паң ата,

Асып өтіп асқар тауды

Жеттің бізге таң ата.

Жүргізуші: Біздің балалардың тақпақтарын тыңдаңыз.

Аяз ата: Жарайсындар балалар.

Жүргізуші: Рахмет балалар, енді балалардың сізбен ойын ойнағысы келеді.

Ақшақар: Аяз ата қарашы, балалардың киімі қандай әдемі. Шырша да әсем безендірілген екен. Бәрі де сұлуланып кетіпті.

Шырша шамын жағайық, Жаңа жыл тойын ашайық. Барлығымыз «Қуант бізді, таңырқат» «Шамдарыңды жарқырат» деп айтайық. (Барлығы айқайлайды, шырша шамдары жағылады.)

Аяз ата: Бәрекелді балалар! Шыршамыз жарқырап, айналаға қуаныш сыйлауда. Шыршаның құрметіне би билейді.

Би: «Ұлпақарлар»

Жүргізуші: Біздің балалар сіздерге арнап әнін айтты, тақпақ айтты енді сіздер мен ойын ойнасақ дейміз.

Мансур.

Аппақ қар да жауады,

Ақ мамыққа толады,

Аяз ата келеді,

Сыйлықтарын береді.

Мадияр

Далада қар борайды

Ақ мамыққа орайды.

Мұз болады қатады

Жып жылтыр боп жатады.

Ай-бибі

Жаңа жыл, Жаңа жыл

Жаңа жылға жаңа жыр.

Жасыл шырша жанында

Билеп барлық бала жүр.

Аяла

Тамаша, тамаша

Шыршамыз тұр жараса,

Басында әсем жұлдызы

Көз тоймайды қараса.

Аяз ата:Әрине ойнаймыз кәне бәріміз орнымыздан тұрамыз ал мен сендерді қатырамын деп ойын ойнайық мен құлақтарыңды қатырамын десем сендер құлақтарыңды жабасыңдар келістікпе.

Балалар: Иә!

Ойын: «Қыс келді»

Жүргізуші:Өте қызықты ойын болды,ал енді біздің балалардың биін тамашалаңыздар.

Би: «Флешмоб»

Аяз ата:Рахмет балалар біздің көңілімізді бір көтеріп жібердіңдер біз де сендерге құр қол келген жоқпыз сыйлығымызды ала келдік. Біздің сыйлығымызға риза болыңдар.

Ал енді біз жолға шығайық.Жаңа жылда жаңа табысқа жетіндер. Басқа да балалардың өнерін тамашалайық.Келесі жылы аманшылықта кездескеше.Сау болыңдар!

Жүргізуші:Құрметті қонақтар,балалар бүгінгі біздің жаңа жылға арналған ертеңгілігіміз өз мәресіне жетті.Жаңа жыл баршамызға құт береке алып келсін. Жаңа жыл отбасыңызға тек бақыт пен қуаныш әкелсін! Келесі кездескенше қош сау болыңыздар!

